



Future-proofing our children

Sekolo sa Tshipi Class: SS 3

Setlhogo

Morena Jeso o tsamaya godimo ga
metsi

Mokaedi wa batsadi
Sekolo sa Tshipi ithutelo lapeng

Go Motsadi



O a amogelesega mo “**Morena Jeso o tsamaya godimo ga metsi**” Thuto ya sekolo sa Tshipi.

Mokwalo o o go fa thutuntsho e potlana gore o ka ruta jang thuto e.

O ka ipaakanya le go ruta thuto e jang

Fa tlase ke maele a go ipaakanya le go ruta thuto e:

Kgato	Tiriso
1.	Etela maranyane a New Apostolic Church Website ka go tobetsa seele se se latelang mo maranyaneng a gago a WhatsApp: https://bit.ly/3NACSSHS
2.	Kgobokanya di dirisiwa tse di latelang go netefatsa fa o ipaakanyeditse thuto e: • Baebele • Mokwalo wa thuto wa PDF o o setseng o baakantswe. • Pena, metako le lekwalo la ngwana, etc. <i>Ela tlhoko:</i> 2.1: Nako e siametseng go ruta ke maphakela a sontaga morago ga tirelo ya tshipi, go tsamaelana le lenaneo la malatsi otlhe a sekolo sa tshipi, go tswaledisa lenaneo. 2.2: Ka tswe-tswe dira thuto e nne khutshwane , o etse tlhoko gore bana ba reeditse ka kelelelo – o itse ngwana wa gago botoka! <i>Tirelo ya sekolo sa tshipi ga e hete metsotso e 45</i> . 2.3: Thuto e lebaganye (Sekolo sa Tshipi 1). 2.4: O ka kopa thuso mo morutabana wa gago wa sekolo sa Tshipi fa o tlhoka thuso.
3.	Rapela (Bona thapelo ko bofelelong jwa thuto e) O kope Modimo go go thusa go ruta ka tsela e a eletsang re ka e ruta ka teng.
4.	Dira seemo se se siameng, se se senang dikgoreletsi se wena le bana/ngwana le leng fa go tshwanang.



	Sekai: Nnang mo tafoleng kana mo phateng.
5.	Bala thuto. E bale gape gore o e tlhaloganye. Lebelela setshwantsho sa motshikinyego go re o tlhaloganye botoka.
6.	Kwala dintlha tse o batlang go di gakologelwa.

Go ruta thuto ya sekolo sa Tshipi mo lapeng



O ka ipaakanya le go ruta thuto e jang

Re tswela ka go abalana maele a go ipaakanya le go ruta thuto e:

Kgato	Tiriso
7.	Tlhaloganya maikaelelo a thuto a e leng gore ngwana wa gago o tshwanetse go a gakologelwa.
8.	Ruta ngwana wa gago thuto, o ka nna wa e bala jaaka polelo
9.	Supegetsa ngwana wa gago setshwantso sa motshikinyego mme o soboke molaetsa.
10.	Laela ngwana go dira tekeletso e mo lokwalong la gagwe la ikatiso (Tla Morena Jeso
11.	Rapela, kana kopa ngwana wa gago go rapela go tswala thuto.

Di dirisiwa tse di leng teng go ithutela ko lapeng

Tse ke dingwe tsa di dirisiwa tse di ka thusang mo thutong:

1. WhatsApp, buisanyang le ba lelapa le lengwe ka thuto ya SS 1.
2. Buisanyang ka thuto le batsadi ba bangwe go tsaya tlhaloso pele ga o ka ruta.
3. Gololesega go tlhotlhomisa ka thuto e gore o nne le kitso e e oketsegileng

Thuto



Setlhogo sa thuto	Morena Jeso o tsamaya godimo ga metsing
Maikaelelo a thuto	Beke e re ithuta gore: - Jeso Keresete ke morwa modimo - Ba ba lebang ko go ene ka dinako tsa mathata, ga baa tshwanela go boifa.

Tshoboko ya thuto:

- Mo bosigong, barutwana ba ne ba ya Capernaum ka mokoro. - Mo maphakeleng Jeso o ne a ta ko bone a tsamaya fa godimo ga metsi. - Barutwana ba gagwe ba ne ba boifa, Jeso a ba raya a re... "Le seka la boifa – ke nna" - Fa Jeso a bua, Petere a fologa mokoro a tsamaya godimo ga metsi go kgathantsha Morena - Matsubutsubu a diphefo a ne a foka mo lewatleng Petere a simolola go tshoga, a simolola go nwela. - A lela go kopa thuso mme Jeso a mo halotsa a re... "Ke eng tumelo ya gago e le nyenyane... Ke eng o belaela" - Fa Jeso le Petere ba le mo mokorong, barutwana ba ne ba raya Jeso ba re: "Ka nnete o Morwa Modimo!"
--





Thuto e e re raya eng mo go rona tsatsijeno?

Thuto e e re raya e re:

- Ø Ga ra tshwanela go boifa mme re beye tshepho le tumelo ya rona mo go Jeso Keresete.
- Ø Jaaka Petere, re tshwanetse go tshepa Jeso.
- Ø O tla re thusa fa re dumela le go kopa thuso ya gagwe Jeso ke Morwa Modimo;o re tlhokometse.
- Ø Re ele tlhoko gore re seka ra tshepha Modimo fela fa dilo di re siametse re sena mathata mo matshelong a rona.
- Ø Fa re na le mathatha, re seka ra leka go a baakanya ka bo rona. Bolelela Jeso ka one.
- Ø Rre tshwanetse go baya tumelo ya rona mo Modimong mme re itse gore o tla re thusa ka go rata ga gagwe.
- Ø Re tshwanetse go tshepha gore go rata ga Modimo ke gone mo go siameng.
- Ø Le fa re palelwa ke go tshepha ko tshimologong, ga go thari. Fela jaaka Jeso a faloditse Peter emo go nweleng. Le rona o tla re thusa fa re mo kopa.
- Ø Ga re a tshwanela go latlhegelwa ke tshepho; Jeso o tla re thusa fare mo kopa. **Mme tsotlhe ka fa go rateng ga gagwe le nako ya gagwe.**

Dipotso tse re ka di botsang:

1. Ke ka go reng Jeso Keresete Morwa Modimo a ile a tla lefatsheng?

Karabo: Go nna sekai mo go rona, le go re rota gore re tshole jang. O ile a swela dibe tsa rona gore re bolokwe.

2. Ke ka go reng Petere a ile a kgona go tsamaya mo metsing a bo a tloga a nwela?

Karabo: Kagore Petere o ile a simolola go boifa fa a utlwa diphefo di foka mo lewatleng. O ne a akanya gore o ya go nwela.

3. O tsaya gore go ne go le motlhofo mo go Petere go tshepha gore ga a kake a nwela?

Karabo: Nnyaa, ga gona yok a tsamayang mo godimo ga metsi. Le nna nka boifa.



Lefa go ntse jalo, Fa re tshepha gore Modimo o tla re thusa fa re rapela, Re tshwanetse go tlhaloganya gore Modimo o ka dira sengwe le sengwe.

Go botlhokwa go itse gore Modimo o tla re thusa fa re le mo mathateng.

Thapelo ya rona

Thapelo ya ga Rre le Mme le pele ga thuto:

*Modimo o rategang, ke lebogela letsasti le
Segofatsa batsadi le bana botlhe
Mma re ikutlwele boleng teng jwa gago
Segofatsa thuto e re yang go e amogela
Re kopa o re rute go go direla
Re thuse go dira thato ya gago
Gore re golele gaufi le wena
Romela Jeso go tla go re tsaya
Mme re bo re ipaakanyeditse go mo kgatlhantsha
Amen*

Thapelo morago ga Thuto:

Rraarona wa legodimo yo rategang, Ke lebogela go bo o re babaletse tsatsi jeno le gore ga re a tlhagelwa ke kotsi fa re tshameka.
A re nne le boroko jo bo siameng le letsatsi le le ntle kamoso.
Ke kopa o nthuse ko sekolong le gore ke utlwane le ditsala tsa me mme re seka ra lwa.
Nna le mme le rre ka nako tsotlhe.
Segofatsa Mo Apostolo yo mogolo, ba Apostolo le baruti botlhe ebile o ba sireletse fa ba ntse ba tsamaya.



Re kopa o thuse bana botlhe, bogolo jang baba lwalang. TI aka pela o re tseele gae.
Ka leina la ga Jeso. Amen.